

Yeshua; E Lus Leal, E Lamchi Leal, E Lampi Leal i E Lider Leal

Yeshua; E Lus Leal

Nos tin **E Lus Leal**, pero si **Nos** ta sende e **Lampi Leal** na kas i laga **E** na kas, ta kon **Nos** por duna e **alma nan** ku ta buskando **Yeshua, E Lus Leal**?. **Nos** mester sende **Nos Lampi Leal** na kas i sali kas ku **E** bai trabou, bai skol, bai hasi kompra, bai misa, bai tur kaminda ku **E. Nos Lus Leal** ta **E Lus** mas poderoso ku tin na **mundu. E Lus Leal** ta trese **Klaridat. E Lus Leal** ta kibra tur **skuridat. Skuridat** no por kontra di **E Klaridat** i **Klaridat** ta ún di e komponentenan di **E Karakter** di **Yeshua, E Lus Leal**.

Yeshua; E Lamchi Leal

Nos Lamchi Leal a **Libra Nos** di tur: **Maldat, Malesa, Magia, Maldishon, Malisia, Mentira, Miedu, Miseria i Morto.**

Nos Lamchi Leal a **Libra Nos** di tur **Maldat** segun **1 Pedro 2:1-3**, poniendo **Su Man** pa **Libra Nos** di tur **Malesa** manera tin skirbi den **Lukas 4:40. Nos Lamchi Leal** ta mustra **Nos** den **Galationnan 5:16-21** kon **Nos** ta wòrdi **Libra** di **Magia** i den **Lukas 6:27-28** tin skirbi kon **Nos** ta wòrdi **Libra** di **Maldishon. Nos** por hasi e **Spiritu Santu** kontentu segun **Efesionan 4:30-31** i wòrdi **Libra** di **Malisia. Nos Lamchi Leal** a bisa den **Juan 8:42-44** kiko i ken ta **Mentira**, pero **Nos** no tin mester di tin **Miedu** pasobra segun **1 Juan 4:18** **Nos** ta **Libra. Nos Lamchi Leal** a spièrta **Nos** di e **Miseria** ku ta bini den **Mateo 24:7-12**, pero **Nos** a wòrdi **Libra** segun **Mateo 24:13**. A final **Nos Lamchi Leal** a **Libra Nos** di **Morto** segun **1 Korintionan 15:23-26**.

Yeshua; E Lampi Leal

Nos Lampi Leal mester duná i trese **Nos: Forsa, Fabor, Fasilidat, Felisidat, Fieldat, Firmesa, Fleksibilidat, Floresementu i Frutanan.**

Nos Lampi Leal no por keda na kas, pasobra e ora ei **Nos** ta bai kana den **Nos** mes **Forsa**, ku tiki **Fabor**. E ora ei, **Nos** ta realisá ku **Fasilidat** ta algu duru, anto **Nos** por bai buska **Nos Felisidat** den **mundu**. Pero **Nos Fieldat** i **Nos Firmesa** mester ta den **E Lampi Leal**, anto ku un **Fleksibilidat** pa atendé ku e **mundu** ku **Nos** ta riba dje. E ora ei, **Nos** ta mira **Floresementu** i **Nos** ta bai kuminsá mira i realisá e **Frutanan** ku **E Lampi Leal** ta papia di dje.

Yeshua; E Lider Leal

Tin hopi hende ta **buskando** un **Lider Leal**, un **Lus Leal** pa nan situashon, (**Deuteronomio 4:29-31**).

Tin hopi hende ta **buskando** pa sa; ken mi por duna mi **Konfiansa**?

Tin hopi hende ta **buskando** pa sa; ken ta papiando e **Berdat**?

Tin hopi hende ta **buskando** pa sa; ken por yuda mi ku mi **Problema**?

Tin hopi hende ta **buskando** pa sa; ken ta digno di meresé mi **Amor**?

Ta Un hende so **ami konosé** ku tin **tur** e kontestanan pa esnan ku ta **buskando**,
(**1 Timoteo 4**)!

Yeshua; E Lus Leal, E Lamchi Leal, E Lampi Leal i E Lider Leal,
(**1 Pedro 3:15-18**)!

25 November 2016

Sea Bendishoná den e Amor di Yeshua Mesias

Rev. Remsly L Riley